

徐孝穆
庾子山集

徐孝穆集

四部叢刊初編集部

上海商務印書館
縮印明屠隆刻本

徐庾集序

詩家者流率以靡嫚歸之梁陳
以語於王褒江總輩絺章繪句
膚立者則可耳若徐僕射庾開
府竝誕瓊圃抽穎芝田徐固天
上之麒麟庾亦人間之鸞鶯氣
涵江漢名壓華崧以童子之科
居華貫之任陟鰲坡而視草游
鶴禁以談經的礫若明珠之耀
龍淵鬱葱若翡翠之戲蘭陟娟
倩若美女之舞交竿艷冶若名
花之笑金谷朝所吟詠紙價爲

之夕騰華所流傳雞林爲之泣
慕洵乎耦耕之玉環允矣藍田
之雙璧矣仙李盤根初唐最盛
應制遊覽諸作婉媚綺錯篆玉
雕金筋藏肉中法寓情內莫不
攄藻乎子山擷芳於孝穆故能
琳瑯一代卓冠當時曲江射洪
二君間以雅澹雖丰骨全出而
英翹少遜盛極蘊衰識者憾焉
且古今文人專詣者多兼工者
少有韻之詩與緣情之文勢難
兼舉淵雲之儔未聞壯長城於

五言屈宋之流未聞騁妙辯於
竹素而二公學該玉府之森藏
筆捲銀河而直上不但哀江南
一賦彪炳無前與遵彥之書婉
麗莫偶凡郊廟典章郵筒來往
恍如覲燕許之手筆逢僑肸之
面談後有作者盡歸下風昔人
讀君山書如積猗頓之富今坡
徐庾集有不入波斯之航也哉
故合而鋟之爲菰苑之笙簧制
作之粉黼抑余尤有異焉物不
孤生必有其偶初唐曰沈宋而

昆明之篇沈不敵宋盛唐曰李
杜而岳陽之釋李不如杜二公
之詩文工力格局無不悉配真
宇宙人文一大結聚也以之作
延津之合夫誰不宜

東海屠隆題



徐陵本傳

唐散騎常侍姚思廉撰

徐陵字孝穆東海郢人也祖超之齊鬱林太守梁員外散騎常侍父摛梁戎昭將軍太子左衛卒贈侍中太子詹事諡貞子母臧氏嘗夢五色雲化而爲鳳集左肩上已而誕陵焉時寶誌上人者世稱其有道陵年數歲家人攜以候之寶誌手摩其頂曰天上石麒麟也光宅惠雲法師每嗟陵早成就謂之顏回八歲能屬文十二通莊老義旣長博涉史籍縱橫有口辯梁普通二年晉安王爲西平將軍寧蠻校尉父摛爲王諮議王又引陵參寧蠻府軍事大通二年王立爲皇太子東宮置學士陵充其選稍遷尚書度支郎出爲上虞令御史中丞劉孝儀與陵先有隙風聞劾陵在縣賦汙因坐免久之起爲南平王府行參軍遷通直散騎侍郎梁簡文在東宮撰長春殿義記使陵爲序又令於少傅府述所製莊子義尋遷鎮西湘東王中記室參軍太清二年兼通直散騎常侍使魏魏人授館宴賓是日甚熱其主客魏收嘲陵曰今日之熱當由徐常侍來陵卽答曰昔王肅至此爲魏始制禮

儀今我來聘使卿復知寒暑收大慙及侯景寇京師陵父摛先在圍城之內陵不奉家信便蔬食布衣若居憂恤會齊受魏禪梁元帝承制於江陵復通使於齊陵累求復命終拘留不遣陵乃致書於僕射楊遵彥竟不報書及江陵陷齊送貞陽侯蕭淵明爲梁嗣乃遣陵隨還太尉王僧辯初拒境不納淵明往復致書皆陵詞也及淵明之入僧辯得陵大喜接待餽遺其禮甚優以陵爲尚書吏部郎掌詔詰其年高祖率兵誅僧辯仍進討韋載時任約徐嗣徽乘虛襲石頭陵感僧辯舊恩乃往赴約及約等平高祖釋陵不問尋以爲貞威將軍尚書左丞紹泰二年又使于齊還除給事黃門侍郎祕書監高祖受禪加散騎常侍左丞如故天嘉初除太府卿四年遷五兵尚書領大著作六年除散騎常侍御史中丞時安成王顓爲司空以帝弟之尊勢傾朝野直兵鮑叔獻假王威權抑塞辭訟大臣莫敢言者陵聞之乃爲奏彈導從南臺官屬引奏案而入世祖見陵服章嚴肅若不可犯爲欽容正坐陵進讀奏版時安成王殿上侍立仰視世祖

流汗失色陵遺殿中御史引王下殿遂劾免侍中中書監自此朝廷肅然天康元年遷吏部尚書領大著作陵以梁末以來選授多失其所於是從舉綱維綜覈名實時有冒進求官諠競不已者陵乃爲書宣示衆咸服焉時論比之毛玠廢帝卽位高宗入輔謀黜異志者引陵預其議高宗纂曆封建昌縣侯邑五百戶太建元年除尚書右僕射二年遷尚書左僕射陵抗表推周弘正王勳等高宗召陵入內殿曰卿何爲因辭此職而舉人乎陵曰周弘正從陛下西還舊藩長史王勳太平相府長史張種帝鄉賢戚若選賢與舊臣宜居後固辭累日高宗苦屬之陵乃奉詔及朝議北伐高宗曰朕意已決卿可舉元帥衆議咸以中權將軍淳于量位重共署推之陵獨曰不然吳明徹家在淮左悉彼風俗將畧人才當今亦無過者於是爭論累日不能決都官尚書裴忌曰臣同徐僕射陵應聲曰非但明徹良將裴忌卽良副也是日詔明徹爲大都督令忌監軍事遂克淮南數十州之地高宗因置酒舉杯屬陵曰賞卿知人陵避席對曰定策出

自聖衷非臣之力也其年加侍中餘竝如故七年領國子祭酒南徐州大中正以公事免侍中僕射尋加侍中給扶又除領軍將軍八年加翌右將軍太子詹事置佐史俄遷右光祿大夫餘竝如故十年重爲領軍將軍尋遷安右將軍丹陽尹十三年爲中書監領太子詹事給鼓吹一部侍中將軍右光祿中正如故陵以年老累表求致仕高宗亦優之乃詔將作爲造大齋令陵就第攝事後王卽位遷左光祿大夫太子少傅餘如故至元年卒時年七十七詔曰慎終有典抑乃舊章令德可甄諒宜追遠侍中安右將軍左光祿大夫太子少傅南徐州大中正建昌縣開國侯陵弱齡學尚登朝秀穎業高名華文曰詞宗朕近歲承華特相引狎雖多目疾方期克壯奄然殞逝震悼于懷可贈鎮右將軍特進其侍中左光祿鼓吹侯如故并出舉哀喪事所須量加資給諡曰章陵器局深遠容止可觀性又清簡無所營樹祿俸與親族共之太建中食建昌邑邑戶送米至于水次陵親戚有貧匱者皆令取之數日便盡陵家尋致乏絕府僚恠而問

其故陵云我有車牛衣裳可賣餘家有可賣不其周
給如此少而崇信釋教經論多所精解後王在東宮
令陵講大品經義學名僧自遠雲集每講筵商較四
座莫能與抗口有青睛時人以爲聰慧之相也自有
陳創業文徽軍書及禪授詔策皆陵所製而九錫尤
美爲一代文宗亦不以此矜物未嘗詆訶作者其於
後進之徒接引無倦世祖高宗之世國家有大手筆
皆陵草之其文頗變舊體緝裁巧密多有新意每一
文出手好事者已傳寫成誦遂被之華夷家藏其本
後聞喪亂多散失存者三十卷有四子儉份儀傳
史臣曰徐孝穆挺五行之秀稟天地之靈聰明特達
籠罩今古及締構興王遭逢奉運位隆朝宰獻替謀
猷蓋亮直存矣孝克砥身厲行養親逾禮亦參閔之
志歟

徐孝穆集目錄

卷一

賦

鴛鴦賦

詩

日華

詠雪

詠柑子

山齋

長安道

洛陽道二首

劉生

關山月二首

出自薊北門行

長相思

宛轉歌

折楊柳

梅花落二首

紫駟馬

驄馬驅

山池應令

奉和山池

征虜亭送新安王應令

別毛尚書

秋日別庾正員

新亭送別

雜曲

侍宴

和賽漢高帝廟

春情

鬪雞

詠舞

隴頭水

中婦織流黃

烏栖曲二首

詠織婦

春望

春和簡文帝山齋

同江詹事登宮城南樓

卷二

聖書

梁禪陳聖書

陳高祖勅州郡聖書

冊命

陳公九錫文

詔

陳文帝登祚尊皇太后詔

始興王詔

進武帝爲長城公詔

卷三

表

讓五兵尚書表

勸進元帝表

讓散騎常侍表

爲王儀同致仕表

爲始興王讓瑯琊二郡太守表

讓左僕射初表

讓右僕射初表

啓

成安王讓錄尚書表後啓

謝兄報坐事付治中啓

謝敕賚燭監賞荅齊國移文啓

謝敕賜祀三皇五帝餘饌啓

謝賚麝啓

謝賚蛤啓

謝東宮賚蛤蜊啓

謝敕賚烏賊啓

卷四

書

武皇帝作相時與嶺南酋豪書

與楊僕射書

與王僧辨書

卷五

書

與顧記室書

梁貞陽侯與王太尉僧辨書

爲王太尉僧辨荅貞陽侯書

梁貞陽侯荅王太尉書

荅諸求官人書

代梁貞陽侯與荀昂兄弟書

荅周主論和親書

卷六

書

梁貞陽侯重與王太尉書

王太尉僧辨荅貞陽侯書

梁貞陽侯與陳司空書

代陳司空荅書

梁貞陽侯重與裴之橫書

裴之橫荅書

貞陽侯荅王太尉書

爲陳高祖與周宰相書

武皇帝作相時與北齊廣陵城主書

卷七

書

荅周處士書

荅族人梁東海太守長孺書

與李那書

報尹義尚書

在北齊與宗室書

與王吳郡僧智書

荅李顥之書

與周冢宰宇文護論邊境事書

與章司空昭達書

諫仁山深法師罷道書

與天台智者大師書

重與天台智者大師書

重與天台智者大師書

上智者法師書

卷八

頌

皇太子臨辟雍頌

銘

太極殿銘

麈尾銘

序

玉臺新詠序

移文

爲護軍長史王質移文

移齊文

檄文

檄周文

卷九

碑

徐州刺史侯安都德政碑

廣州刺史歐陽顧德政碑

晉陵太守王厲德政碑

孝義寺碑

齊國宋司徒寺碑

東陽雙林寺傳大士碑

天台山館徐則法師碑

長干寺衆食碑

丹陽上庸路碑

卷十

哀冊

陳文皇帝哀冊文

墓誌

司空河東康簡王墓誌銘

司空章昭達墓誌銘

裴使君墓誌銘

徐孝穆集目錄終

徐孝穆集卷一

陳郊徐陵著

明東海屠隆評

賦

鴛鴦賦

飛飛兮海濱，去去兮迎春。炎皇之季女，織素之佳人。
未若宋玉之小史，含情而死。憶少婦之生離，恨新婚
之無子。既交頸於千年，亦相隨于萬里。山雞映水，那
自得。孤鸞照鏡，不成雙。天下真成，長合會無勝比翼。
兩鴛鴦，觀其嗁唼浮沈，輕軀澆滑，拂荇戲而波散，排
荷翻而水落。特訝鴛鴦鳥，長情真可念。許處勝人多，
何時肯相厭。聞道鴛鴦一鳥名，教人如有返春情，不
見臨邛卓家女，祇爲琴中作許聲。

詩

日華

朝暉爛曲池。夕照滿西陂。復有當晝景。江上鏤光儀。
時從高浪歌。乍逐細波移。一在雕梁上。詎比扶桑枝。

詠雪

瓊林玄圃集。桂樹日南華。豈若天庭瑞。輕雪帶風斜。
三農喜盈尺。六出舞崇華。明朝闕門外。應見海神車。

詠甘子

朱實挺江南。苞品擅珍淑。上林雜嘉樹。江潭間修竹。
萬室擬封家。千株挺荆國。綠葉萋以布。素榮芬且郁。
得陳終宴歡。良垂雲雨育。

山齋

桃源驚往客。宦嶠斷來賓。復有風雲處。蕭條無俗人。
寒山微有雪。石路本無塵。竹徑朦朧巧。茅齋結構新。
燒香披道記。懸鏡壓山神。砌水何年溜。簷桐幾度春。
雲霞一已絕。寧辨漢將秦。

長安道

輦道乘雙闕。豪雄被五都。橫橋象天漢。法駕應坤圖。

詠不及遠

洛陽道

韓康賣良藥。董偃賣明珠。喧喧擁車騎。非但執金吾。
綠柳三春暗。紅塵百歲多。東門向金馬。南陌接銅駝。
乘軒翼僚吹。飛蓋響鳴珂。潘郎車欲滿。無奈柳如何。

其二

洛陽馳道上。春日起塵埃。濯龍望如水。河橋渡似雷。
聞珂知馬蹀。傍幔見鶯開。相看不得語。密意眼中來。

劉生

劉生殊倜儻。任俠遍京華。戚里驚鳴笳。平陽吹怨笳。
俗儒排石氏。新室是誰家。高才被擯壓。自古共憐嗟。

關山月

關山三五月。客子憶秦川。思婦高樓上。當牕應未眠。
星旗映疎勒。雲陣上祁連。戰氣今如此。從軍復幾年。

其二

月出柳城東。微雲掩復通。蒼茫紫白暈。蕭瑟帶長風。
羌兵燒上郡。胡騎獵雲中。將軍擁節起。戰士夜鳴弓。

出自關北門行

關北聊長望。黃昏心獨愁。燕然對古剎。代郡隱城樓。

厚結大洞
殺生玉芝
龍池上有
慶雲題全
學此格

雁馬龍飛
日華搖曳
破見此景

遠若

隨何吳鳳
鯨魚文之

微雲掠電
動鳥驚心

屢戰橋恒斷。長水壑不流。天雲如地障。漢月帶胡秋。
乞土泥函谷。接繩縛涼州。平生燕領相。會自去封侯。

長相思

長相思。望歸難。傳聞更始戍樓蘭。龍城遠。雁門寒。愁
來瘦。轉劇。衣帶自然寬。念君今不見。誰爲抱腰看。

宛轉歌

摩青理之
靈歸

七夕天河白露明。八月濤水秋風驚。樓中恒聞哀曲
響。塘上復有苦辛行。不解何意悲。秋氣直置無秋悲。
自生。不怨前堦促織鳴。偏愁便路倚衣聲。別燕差池
自有返。離嬋寂寞莫詎含情。雲聚含情四望臺。月冷相
思九重觀。欲題芍藥詩不成。來採芙蓉花已散。金樽
送曲韓娥起。玉柱調絲楚妃勸。翠眉結恨不復開。寶
鬢迎秋度前亂。湘妃拭淚酒貞筠。行樂翫花何處人。
步步香飛金箔履。盈盈扇掩珊瑚脣。已言採桑期陌
上。復能解珮就江濱。競入華堂耍花枕。爭開羽帳奉
華茵。不惜獨眠前下鈎。欲許便作後來新。後來瞑瞑
同匡床。可憐顏色無比方。誰能巧笑時窺井。乍取新
聲舉遠梁。宿處留嬌隋黃珥。鏡前含笑弄明璫。卷疏

嬌曉曉記

柔風煦渙

摘心心不盡。茱萸折葉葉更芳。已聞能歌洞簫賦。詎
是故愛耶郢倡。

折楊柳

折楊柳工
者多矣聞
有繁靡板
之句清
新蘆酒獨
識此作

嫋嫋河堤樹。依依魏主營。江陵有舊曲。洛下作新聲。
妾對長楊苑。君登高柳城。春還應共見。蕩子太無情。

梅花落

佳句衆風
欲去

臘月正月早驚春。衆花未發梅花新。可憐芬芳臨玉
臺。朝攀晚折還復開。長安年少多輕薄。兩兩常唱梅
花落。蒲酌金杯催玉柱。落梅樹下宜歌舞。金谷萬株
連綺甍。梅花密處藏嬌嬈。鸞桃李佳。人欲相照。摘葉牽
花來並笑。楊柳條青樓上輕。梅花色白雪中明。橫笛
短簫悽復切。誰知栢梁聲不絕。

其二

對戶一株梅。新花屢發材。鸞拾還連井。風吹上鏡臺。
倡家愁思妾。樓上獨徘徊。啼和竹葉錦。笑罷未能裁。

紫駟馬

唐制四馬
之祖駟
文不及也

玉銕繡纏繫。金鞍錦覆幪。風驚塵不起。草淺埒猶空。
角弓連兩兔。珠彈落雙鴻。日斜馳逐罷。連翩還上東。

聽馬驪

白馬號龍駒。雕鞍名鏤衢。諸兄二千石。小婦字羅敷。
倚端輕掃史。召募繫休屠。塞外多風雪。城中絕詔書。
空憶長楸下。連蹠復連蹠。

山池應令

畫舸圖仙獸。飛艘挂采旂。榜人事輕策。約女理銀鈎。
細萍時帶櫂。低荷乍入舟。猿啼知谷晚。蟬思覺山秋。

奉和山池

羅浮無定所。鬱島屢遷移。不覺因風雨。何時入後池。
樓臺非一勢。臨玩自多奇。雲生對戶石。猿掛入欄枝。

征虜亭送新安王應令

鳳吹臨南浦。神駕饒東平。亭迴漳水乘。旆轉洛濱生。
地凍斑輪響。風嚴羽蓋輕。燒田雲色暗。古樹雪花明。
岐路一迴首。流襟動膚情。

別毛尚書

顧子厲風規。歸來振羽儀。嗟余今老病。此別畏長離。
白馬君來哭。黃泉我詎知。徒勞脫寶劍。空掛隴頭枝。

秋日別庾正員

妙在陵字
送字

當得讀淚

征途愁轉旆。連騎慘停鑣。朔氣陵疎水。江風送上潮。
青雀離帆遠。朱鷺別路遙。唯有當秋月。夜夜止河橋。

新亭送別

風吹臨伊水。時駕出河梁。野燎村田黑。江秋岸荻黃。
隔機聞上鼓。回舟隱去檣。神襟愛遠別。流涕極清漳。

雜曲

傾城得意已無儔。洞房連閣未消愁。宮中本造鸞鴛。
殿爲誰新起鳳凰樓。綠黛紅顏兩相發。千嬌百態情。
無歇。舞衫回袖勝春風。歌扇當臆似秋月。碧玉宮妓。
自翻妍。絳樹新聲最可憐。張星舊在天河上。從來張。
姓本連天。二八年時不憂度。傍邊得寵誰相妬。立春。
曆日自當新。正月春幡底舊故。流蘊錦帳挂香囊。織。
成羅幔隱燈光。祇應私將琥珀枕。睽睽來上珊瑚床。
侍宴
園林才有熱。夏淺更勝春。嫩竹猶含粉。初荷未聚塵。
承恩與下席。應阮獨何人。

和賽漢高帝廟

山宮類牛首。漢寢若龍川。玉琬無秋耐。金燈滅夜烟。

從筆融化

丹帷迫靈岳。紺席下羣仙。堂空沛筑響。叙低戚舞妍。何殊后廟裏。子建作華篇。

春情

格局微季
警策全以
雄補動人

風光今日動。雪色故年殘。薄夜迎新節。當爐却晚寒。故香分細霧。石炭擣輕紈。竹葉裁衣帶。梅花莫酒盤。年芳袖裏出。春色黛中安。欲知迷下蔡。先將過上蘭。

鬪雞

字字貼切
却不粘帶

季子聊為戲。陳王欲騁才。花冠已衝力。金爪復驚媒。關鳳羞衣錦。雙鸞耻鏡臺。陳倉若有信。為覓寶雞來。

詠舞

天然秀麗

十五屬平陽。因來入建章。主家能教舞。城中巧畫粧。低鬟向綺席。舉袖拂花黃。燭送空邊影。衫傳篋裏香。當由好留客。故作舞衣長。

隴頭水

不說鳴咽
而鳴咽之
景畢具

別途聳千仞。離川懸百丈。攢荆夏不通。積雪冬難上。枝交隴底暗。石礙波前響。迴首咸陽中。唯言往時夢。

中婦織流黃

興筆元帝
作拙矣但

落花還井上。春機當戶前。帶衫行障口。覓銅枕檀邊。

使作拾餘
語此作思
體格微不
同耳

數編經。無亂新。紫緯。易牽蜘蛛。夜伴織。百舌。曉驚眠。封用黎陽土。書因計吏船。欲知夫婿處。今督水衡錢。

烏棲曲

卓女紅妝期此夜。胡姬沽酒誰論價。風流荀令好。兒郎偏能傳粉復薰香。

其二

太白則易
樂俗而含
情設色惜
墨之光欲
流固讓此
老

繡帳羅帷隱燈燭。一夜千年猶不足。唯惜無賴汝南雞。天河未落猶爭啼。

詠織婦

織織運玉指。脉脉正蛾眉。振鐻開交綫。停梭續斷絲。簾前初月照。洞戶未垂帷。弄機行掩淚。彌令織素遲。

春望

岸烟起暮色。岸水帶斜暉。逕狹橫枝度。簾搖驚燕飛。落花承步履。流澗寫行衣。何殊九芝蓋。薄暮洞庭歸。

奉和簡文帝山齋

架嶺承金闕。飛橋對石梁。竹密山齋冷。荷開水殿香。山花臨舞席。水影照歌林。

同江詹事登宮城南樓

音連全用
此句

元良居上德。率土被中孚。漢。帷。朝。無。怠。周。門。夕。復。趨。
桓。經。既。受。業。賀。拜。且。尊。儒。壯。志。諧。風。雅。高。文。會。斗。樞。
鏗。鏘。叶。舞。蹈。炤。爛。等。現。瑜。溝。水。慙。雄。伯。漳。川。仰。大。巫。
鮑。魚。寧。入。俎。鈞。鼈。匪。充。厨。叔。譽。恒。詞。屈。防。年。豈。溫。誅。

徐孝穆集卷一終

徐孝穆集卷二

陳郅徐陵著

明東海屠隆評

聖書

梁禪陳聖書

如帝紀之
龍百事如
亂衆之包
六爻

君子者。自昭明德。達人者。先天弗違。故能進退咸亨。
動靜元吉。朕雖蒙寡。庶乎景行。何則。三才剖判。九有
區分。情性相乖。亂離云起。是以建彼司牧。推乎聖賢。
授受者。任其時來。皇王者。本非一族。人謀是與。屈已
從萬物之心。天意斯歸。鞠躬奉百靈之命。謳歌所往。
則攘袂以膺之。菁華已竭。乃寒裳而去之。昔在唐虞。
鑒於天道。舉其黎獻。授彼明哲。雖復質文殊軌。沿革
不同。歷代因循。斯風靡替。我大梁所以考庸太室。接
禮武官。月正元日。受終文祖。但邇不常夷。道無恒泰。
山嶽傾軛。河海沸騰。電目雷聲之禽。鉤爪鋸牙之獸。
咀齧含生。不知紀極。二后英聖。相仍在天。六夷貪狡。
爭侵中國。縣王都帝。人懷干紀。一民尺土。皆非梁地。
朕以不造。幼罹閔凶。仰憑銜佐。亟移年序。周成漢惠。
邈矣無階。惟是童蒙。必貽顛覆。若使時無聖哲。世靡